

中國方志叢書·華中地方·第二八四號

據

清·符爲霖修，劉沛纂
清同治九年修，光緒四年重刊本

影印

湖南省

龍山縣志

(一)

成文出版社有限公司印行

24/2075



10097089

中國方志叢書·華中地方·第二八四號


據

清·符爲霖修，劉沛纂
清同治九年修，光緒四年重刊本

影印

湖 南 省

龍山縣志



成文出版社有限公司印行



10097090

中華民國六十四年 月臺一版

龍山縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

龍山縣志

光緒戊寅
秋七月刊

重修龍山縣志序

同治四年乙丑湖南謀修通志於是大府下其檄各郡
邑飭取志書並頒發章程諭令會同儒學延選士紳蒐
羅近聞續修增入而龍山亦因是有志局之設焉丁卯
春予權篆斯邑甫下車卽奉札催爰進諸紳首而敦促
之復於公餘之暇不時至局共相揚擢已而志稿就予
觀其源委井秩綱舉目張分門者十有四首地輿不載
星野談天之說所以紀實也次城池次山水次田賦而
墟市津梁古蹟戶口蠲政各以類附所以省繁也次學

校右文教重作育也次兵防地處邊陲示不忘武備也
典禮則先敘其前所未備者納民軌物導之以所樂從
也祠祀則不廢其素所奉信者神道設教動之以其所
懼也志風俗見

國家教澤之涵濡焉志物產見境壤生殖之豐阜焉他
若秩官政績悉統以官師選舉封蔭併歸諸人物詳與
約俱具有深意節烈惟恐其見遺藝文不欲其濫收寬
與嚴要各有取義而每門復綴以弁語或揄揚而得體
或質慤而可味寥寥短章已足宣上德而達下情至土

司不予其專立尤爲偉識特筆卓然具良史才則洵乎
非舊志之所得同年而並語也先是龍山爲蠻酋割據
之所我

朝雍正五年始內附納土七年始改設流官越嘉慶戊
寅始創修邑乘維時文獻無徵規模麤具誠難免擇不
精而語不詳之憾今則於其缺者補之冗者汰之折中
損益已犁然改觀昔曾宋歐陽諸公奉詔刪定唐書論
者謂文省於舊事增於前新書實優於舊而志紀表傳
非出一手往往自相牴牾亦有難禁乎後人之議者是

書卷帙不富纂修畫一其中事增文省之處未知視古人何如然詞歸典要義主勸懲殆將與朝邑武功諸志並傳矣第念邑之有志固居是土者藉以觀覽而取爲法戒之資亦官是土者得所證據以善其因革張弛之用故曰載之空言不若見諸行事之深切著明也龍邑山勢峻鬱民風剛勁吏治若救湯火非武健嚴酷者不足以勝任愉快予以儒冠初脫承乏其間識閭性拘上之不克明禮義以化導去敲撲次之不克嫻法令以搏擊立名威案牘簿書蹈常襲故雖期年中每事務以安

靜持之冀稍爲地方滋培元氣而獄訟未見稀少爭競未聞衰息其爲教者則書院甫竣工器識文藝未暇與諸生朝夕講明而切究所爲養者則雨暘不時歲告歉收米價日益騰踊方將偕紳耆急籌補救之術而尙未就緒每展閱前人諸循績輒不禁爲之汗流而走且僵也乃邑人士獨不鄙予爲迂拙而動多恕詞且於予所欲爲者無不踴躍欣助相與求其事之實有所裨益卽斯志續修首尾已逾數載若雅不欲以作而未竟者重煩予之惓惓故刻期歲事俾予猶得於瓜代之際通觀

龍山縣志 卷之六
三
厥成而掛名簡端不可謂非予之幸也雖然是役也算
輯編次則在局諸君實任其勞採訪舉報則各里諸君
共襄其勤予仍第託諸空言其幸也祇所以爲愧也歟
同治七年歲在戊辰春正月中浣

賜同進士出身加五品銜湖南卽用縣知龍山縣事
江符爲霖謹序

續修龍山縣志序

同治戊辰予奉檄攝龍山縣事下車伊始邑人士以續修志稿質予予喜其典而核簡而賅舉凡山川之廣狹疆域之沿革戶口之盈耗賦役之重輕與夫官師賢否之殊塗風俗升降之異軌一展卷而瞭如指掌蓋秩秩乎不愧爲完書焉顧或者謂是書不列星野不誌祥異揆諸紀載之體未免略焉而不詳茲說也予頗不然之攷龍山從永順分置其地本屬長官司通天玉書謂在翼十六度地理志又以爲入軫十度固已言人人殊且

自武陵極於荊州至楚分星同在鶉尾之次並爲翼軫
所轄今以一邑之地絜之測其度數未及十分之一以
星占野其部位果安準乎若夫祥異之徵莫著於漢書
五行志然考之當時或有應有不應要以吉凶景響全
憑人事爲權衡術家推測之說奚足尙焉然則斯志之
略斯二者略其所不必詳固無害其爲完書也方予准
任時前宰符君徵岩已分任邑之賢士大夫設局蒐輯
裒然集有成編予因踵而成之於茲事固靡所裨益乃
以窮際其會遂得與名其間案牘餘閑時復披覽因而

詳識其源流參觀其利弊循其已往之迹制其因時之
宜化裁損益之道咸折衷於是焉未始非當官之一助
也書成將付之剞劂氏用綴數語於簡端以誌顛末後
之官斯土者其亦覽是書而得所考鏡也乎

同治九年歲在庚午暮春之初

欽加知州銜湖南候補縣知龍山縣事陽湖呂懋恆序

重修龍山縣志序

龍山僻處萬山中土瘠而民貧故爲政之難倍他邑殫精竭力而廢弛者始克盡舉光緒丙子余奉

簡命尹龍山謁學宮而靈星門頽池石橋皆傾圯不治明年丁丑予籌貲率邑紳葺繕之工甫竣而諸紳復以重刻縣志請蓋龍山之志重修於同治丁卯前令符君爲霖主其事邑明經劉沛纂其文顧經費缺如未及鏤於板者閱十稔於今矣昔朝邑令王道以朝邑志蕪穢屬韓子五泉修之傳諸木爲朝邑實籍康子對山曰王

君作縣能先事於此此可以徵其政矣竊嘗謂古人政治必先其大者要者而志乘之作蓋所以稽考土俗民情因革興除於是乎在今龍山志之刻前數令竟若有未暇及者何哉子尹龍山且三年諸務幸漸就理微諸紳之請予固將力圖之以底於成而諸紳乃以其所不能得之於前令者而復以請屬於予意者爲政之要大小先後之宜予尙能審而處之乎於是急籌數百金督手民刊刻之旣成書其崖略於首後之君子朝考夕究不辭於瘠苦不畏於煩勞廢者興之弛者張之班條布